

(5) U hitnim slučajevima, sjednica Aktiva direktora može biti zakazana i telefonskim putem, na način koji se bliže uređuje poslovníkom o radu, bez obaveze poštivanja roka iz stava (3) ovog člana.

(6) Poziv za redovnu sjednicu i dnevni red, zajedno sa radnim materijalom za sjednicu, članovima Aktiva direktora dostavlja se putem e-maila. Radni materijal za sjednice hitnog karaktera dostavlja se putem e-maila ili u printanoj formi, u pravilu, najkasnije 24 sata prije održavanja sjednice.

(7) U slučaju zakazivanja sjednice Aktiva direktora, u skladu sa stavom (3) ovog člana, inicijator zakazivanja sjednice dužan je za tu sjednicu Aktiva direktora predložiti istovremeno i dnevni red sjednice.

(8) Sjednica Aktiva direktora zakazuje se radi izvršavanja poslova iz nadležnosti Aktiva direktora.

(9) Poslove sekretara obavlja jedan od direktora, koga odredi Aktiv direktora.

(10) Svi članovi Aktiva direktora dužni su na konstituirajućoj sjednici Aktiva direktora sekretaru dostaviti e-mail adresu putem koje će korespondirati, odnosno putem koje će zaprimati poziv, radne materijale i druga obavještenja za sjednicu Aktiva direktora.

(11) Na sjednice Aktiva direktora škola obavezno se pozivaju predstavnici Ministarstva a po potrebi i predstavnici Pedagoškog zavoda.

Član 8.

(Dnevni red)

(1) Dnevni red utvrđuje se na sjednici Aktiva direktora, većinom glasova prisutnih članova.

(2) Dnevni red za sjednicu, u pravilu, predlaže predsjednik Aktiva direktora.

Član 9.

(Način rada i odlučivanja)

(1) Sjednicom rukovodi predsjednik Aktiva direktora.

(2) Aktiv direktora odlučuje na sjednicama većinom od ukupnog broja članova, a u skladu sa nadležnostima propisanim zakonom i drugim propisima.

(3) U slučaju neriješenog ishoda glasanja odlučujući je glas predsjednika, odnosno predsjedavajućeg Aktiva direktora.

(4) Akte Aktiva direktora potpisuje predsjednik, odnosno predsjedavajući Aktiva direktora.

Član 10.

(Zapisnik)

(1) Na sjednici Aktiva direktora vodi se zapisnik.

(2) Zapisnik sadrži minimalno sljedeće:

- a) datum održavanja sjednice,
- b) vrijeme kada je sjednica započela i kada je završila,
- c) popis prisutnih i odsutnih članova Aktiva direktora,
- d) popis ostalih lica prisutnih na sjednici,
- e) dnevni red, epilog odlučivanja i rezultate glasanja ili drugi krajnji epilog po svakoj tački dnevnog reda.

(3) Svaki član Aktiva direktora ovlašten je tražiti da se u zapisnik unesu i dodatni elementi vezani za pojedine tačke dnevnog reda, kojom prilikom je licu koje vodi zapisnik dužno direktno na zapisnik izdiktirati i potpisati sadržaj tog dijela zapisnika.

(4) Pored lica koje je vodilo zapisnik, zapisnik za datu sjednicu supotpisuje i predsjedavajući Aktiva direktora.

Član 11.

(Stupanje na snagu)

Ovo uputstvo stupa na snagu danom njegova donošenja i bit će objavljeno u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-34-19756-1/21
Datum: 21.09.2021. godine

MINISTAR

Dr. sci. Elvis Baraković, v.r.

1012

Na osnovu člana 82. stav (7) Zakona o osnovnom odgoju i obrazovanju - prečišćeni tekst („Službene novine Tuzlanskog kantona“, br. 10/20, 8/21 i 11/21), ministar obrazovanja i nauke Tuzlanskog kantona donosi

UPUTSTVO

o zasnivanju radnog odnosa za obavljanje poslova instruktivne nastave u osnovnim školama

Član 1.

(Predmet)

Ovim uputstvom utvrđuje se profil i stručna sprema, postupak i vrijeme na koji se može zasnovati radni odnos sa licem koje će raditi na pripremanju učenika za polaganje razrednog ispita (instruktivna nastava) u osnovnoj školi (u daljem testu: škola).

Član 2.

(Instruktivna nastava)

Instruktivnom nastavom smatra se priprema učenika za polaganje razrednog ispita od strane lica koje ispunjava uslove predviđene ovim uputstvom.

Član 3.

(Profil i stručna sprema lica)

(1) Ukoliko se nakon okončanja konkursne procedure ne može izabrati kandidat, odnosno ako se popunjavanje upražnjene radne pozicije ne može izvršiti licem odgovarajućeg stručnog zvanja i stručne spreme radi osiguranja stručne zastupljenosti nastave i obavljanja drugih neophodnih poslova, do okončanja postupka po raspisanom konkursu, odnosno oglasu, odnosno do raspisivanja konkursa, odnosno oglasa te radi zamjene odsutnog zaposlenika škole (bolovanje, neplaćeno odsustvo i sl.), škola može zasnovati radni odnos sa licem koje će

raditi na pripremanju učenika za polaganje razrednog ispita (instruktivna nastava).

(2) U općeobrazovnoj grupi predmeta, škola može angažovati nastavnika koji je završio sličan ili srodan studijski program i koji je tokom studija imao najmanje dva semestra nastave predmeta na čijoj realizaciji se angažuje.

(3) Izuzetno, ukoliko škola ne može angažovati nastavnika iz stava (2) ovog uputstva, škola može angažovati studenta apsolventa ili studenta imatrikulanta na studijskom programu čijim završetkom se stiče odgovarajuće stručno zvanje i nivo obrazovanja propisanog NPiP za taj predmet.

(4) Ukoliko za nastavu muzičkih instrumenata nije moguće angažovati lica iz stavova (2) i (3) ovog uputstva, škola može angažovati studenta studijskog programa, čijim završetkom se stiče odgovarajuće stručno zvanje i nivo obrazovanja propisanog NPiP za taj predmet ili lice sa završenim IV stepenom stručne spreme istog ili sličnog profila.

(5) Ukoliko posebnim propisom takav vid radnog angažovanja nije zabranjen ili za isti ne postoje smetnje ili ograničenja, pod uslovima i na način određen ovim uputstvom, instruktivnu nastavu mogu realizovati i lica koja se kod istog ili drugog pravnog lica, istovremeno, nalaze u statusu pripravnika ili lica na stručnom osposobljavanju bez zasnivanja radnog odnosa.

Član 4.

(Vrijeme na koje se zasniva radni odnos)

(1) Prijem zaposlenika u školu iz člana 3. ovog uputstva vrši se na određeno vrijeme i može trajati do kraja započetog polugodišta.

(2) Ugovor o radu zaključen u skladu sa odredbama člana 3. i člana 4. stav (1) ovog uputstva ne može prerasti u ugovor o radu na neodređeno vrijeme.

Član 5.

(Saglasnost Ministarstva)

(1) Prije zasnivanja radnog odnosa škola je dužna pribaviti saglasnost Ministarstva obrazovanja i nauke Tuzlanskog kantona.

(2) Uz zahtjev za saglasnost škola je dužna dostaviti fotokopiju diplome/indeksa/potvrde fakulteta o licu sa kojim namjerava zasnovati radni odnos.

Član 6.

(Prestanak važenja ranijih propisa)

Stupanjem na snagu ovog uputstva prestaje da važi Uputstvo o zasnivanju radnog odnosa za obavljanje poslova instruktivne nastave u osnovnim školama („Službene novine Tuzlanskog kantona“, br. 14/20 i 3/21).

Član 7.

(Započeti postupci)

Postupci davanja prethodne saglasnosti Ministarstva započeti prije stapanja na snagu ovog uputstva okončat će se u skladu sa ovim uputstvom.

Član 8.

(Stupanje na snagu Uputstva)

Uputstvo stupa na snagu danom donošenja, primjenjivat će se od školske 2021/2022. godine i objavit će se u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-34-20535/21
Datum: 28.9.2021. godine

MINISTAR

Dr. sci. Elvis Baraković, v.r.

1013

Na osnovu člana 101. stav (8) Zakona o srednjem obrazovanju i odgoju – prečišćeni tekst („Službene novine Tuzlanskog kantona“, br. 10/20, 11/20, 8/21 i 11/21), ministar obrazovanja i nauke Tuzlanskog kantona donosi

UPUTSTVO

o zasnivanju radnog odnosa za obavljanje poslova instruktivne nastave u srednjim školama

Član 1.

(Predmet)

Ovim uputstvom utvrđuje se profil i stručna sprema, postupak i vrijeme na koji se može zasnovati radni odnos sa licem koje će raditi na pripremanju učenika za polaganje razrednog ispita (instruktivna nastava) u srednjoj školi (u daljem testu: škola).

Član 2.

(Instruktivna nastava)

Instruktivnom nastavom, u smislu ovog uputstva, smatra se priprema učenika za polaganje razrednog ispita od strane lica koje ispunjava uslove predviđene ovim uputstvom.

Član 3.

(Profil i stručna sprema lica)

(1) Ukoliko se nakon okončanja konkursne procedure ne može izabrati kandidat, odnosno ako se popunjavanje upražnjene radne pozicije ne može izvršiti licem odgovarajućeg stručnog zvanja i stručne spreme radi osiguranja stručne zastupljenosti nastave i obavljanja drugih neophodnih poslova, do okončanja postupka po raspisanom konkursu, odnosno oglasu, odnosno do raspisivanja konkursa, odnosno oglasa te radi zamjene odsutnog zaposlenika škole (bolovanje, neplaćeno odsustvo i sl.), škola može zasnovati radni odnos sa licem koje će raditi na pripremanju učenika za polaganje razrednog ispita (instruktivna nastava).

(2) U općeobrazovnoj grupi predmeta, škola može angažovati nastavnika koji je završio sličan ili srodan studijski program i koji je tokom studija imao najmanje dva semestra nastave predmeta na čijoj realizaciji se angažuje.

(3) U stručno-teorijskoj i praktičnoj nastavi, škola može angažovati nastavnika koji je završio sličan ili srodan

IV.

Ovo rješenje stupa na snagu danom donošenja, a objavit će se u „Službenim novinama Tuzlanskog kantona“.

Bosna i Hercegovina
-Federacija Bosne i Hercegovine-
TUZLANSKI KANTON
MINISTARSTVO FINANSIJA

MINISTAR

Suad Mustajbašić,
dipl.ecc,v.r.

Broj: 07/1-11-24902-1/23
Tuzla, 05.10.2023. godine

966

Na osnovu člana 59. stav 1. Zakona o budžetima u Federaciji BiH („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), a u vezi sa članom 42. stav (1) i stav (2) Zakona o izvršenju Budžeta Tuzlanskog kantona za 2023. godinu („Službene novine Tuzlanskog kantona“, br. 22/22, 3/23 i 10/23) ministar finansija donosi

RJEŠENJE

o unutrašnjoj preraspodjeli rashoda u Budžetu Tuzlanskog kantona za 2023. godinu

I.

Odobrava se unutrašnja preraspodjela planiranih rashoda u Budžetu Tuzlanskog kantona za 2023. godinu („Službene novine Tuzlanskog kantona“, br. 22/22, 3/23 i 10/23), na potrošačkoj jedinici 24020075 – JU OŠ „Orahovica“ Orahovica Donja, Gračanica, u dijelu rasporeda rashoda iz budžeta (Izvor 10) u iznosu od 1.600,00 KM.

II.

Preraspodjela planiranih rashoda izvršit će se na sljedeći način:

na teret ekonomskih kodova:

613400 - Nabavka materijala i sitnog inventara, 300,00 KM funkcionalni kod 0912	
613700 - Izdaci za tekuće održavanje 700,00 KM funkcionalni kod 0912	
613800 - Izdaci osiguranja, bankovnih usluga i usluga platnog prometa, 200,00 KM funkcionalni kod 0912	
613900 - Ugovorene i druge posebne usluge, 400,00 KM funkcionalni kod 0912	

u korist ekonomskog koda:

613300 - Izdaci za komunikaciju i komunalne usluge, 1.600,00 KM funkcionalni kod 0912	
---	--

III.

Za realizaciju ovog rješenja zadužuju se Ministarstvo finansija, Ministarstvo obrazovanja i nauke i JU OŠ „Orahovica“ Orahovica Donja, Gračanica.

IV.

Ovo rješenje stupa na snagu danom donošenja, a objavit će se u „Službenim novinama Tuzlanskog kantona“.

Bosna i Hercegovina
-Federacija Bosne i Hercegovine-
TUZLANSKI KANTON
MINISTARSTVO FINANSIJA

MINISTAR

Suad Mustajbašić,
dipl.ecc,v.r.

Broj: 07/1-11-24902-2/23
Tuzla, 05.10.2023. godine

967

Na osnovu člana 59. stav 1. Zakona o budžetima u Federaciji BiH („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), a u vezi sa članom 42. stav (1) i stav (2) Zakona o izvršenju Budžeta Tuzlanskog kantona za 2023. godinu („Službene novine Tuzlanskog kantona“, br. 22/22, 3/23 i 10/23) ministar finansija donosi

RJEŠENJE

o unutrašnjoj preraspodjeli rashoda u Budžetu Tuzlanskog kantona za 2023. godinu

I.

Odobrava se unutrašnja preraspodjela planiranih rashoda u Budžetu Tuzlanskog kantona za 2023. godinu („Službene novine Tuzlanskog kantona“, br. 22/22, 3/23 i 10/23), u okviru razdjela 23 - Ministarstvo za rad, socijalnu politiku i povratak, potrošačka jedinica 23040002 - Materijalno zbrinjavanje socijalno ugroženih, u dijelu rasporeda rashoda iz budžeta (Izvor 10), u iznosu od 10.500,00 KM.

II.

Preraspodjela planiranih rashoda izvršit će se na sljedeći način:

na teret ekonomskog koda:

614200 - Tekući transferi pojedincima, 10.500,00 KM funkcionalni kod 1070	
---	--

u korist ekonomskog koda:

614100 - Tekući transferi drugim nivoima vlasti i fondovima, 10.500,00 KM funkcionalni kod 1070	
---	--

III.

Za realizaciju ovog rješenja zadužuju se Ministarstvo finansija i Ministarstvo za rad, socijalnu politiku i povratak.

IV.

Ovo rješenje stupa na snagu danom donošenja, a objavit će se u „Službenim novinama Tuzlanskog kantona“.

Bosna i Hercegovina
-Federacija Bosne i Hercegovine-
TUZLANSKI KANTON
MINISTARSTVO FINANSIJA

MINISTAR

Suad Mustajbašić,
dipl.ecc,v.r.

Broj: 07/1-11-24921/23
Tuzla, 05.10.2023. godine

968

Na osnovu člana 82. stav (7) Zakona o osnovnom odgoju i obrazovanju – prečišćeni tekst („Službene novine Tuzlanskog kantona“, br. 10/20, 8/21, 11/21, 22/21, 5/22, 10/22, 11/22, 9/23-presuda Ustavnog suda i 12/23) ministar obrazovanja i nauke Tuzlanskog kantona donosi

UPUTSTVO

izmjeni i dopunama Uputstva o zasnivanju radnog odnosa za obavljanje instruktivne nastave u osnovnim školama

Član 1.

U Uputstvu o zasnivanju radnog odnosa za obavljanje instruktivne nastave u osnovnim školama („Službene novine Tuzlanskog kantona“, broj: 18/21) u članu 3. u stavu (4) iza

teksta „muzičkih instrumenata“ dodaje se tekst „,muzičke kulture i likovne kulture“ a riječ „uputstva“ zamjenjuje se riječju „člana“.

U istom članu iza stava (4) dodaje se novi stav (5) i glasi:

„(5) Ukoliko za nastavu islamske vjeronauke nije moguće angažovati lica iz stavova (2) i (3) ovog člana škola može angažovati lice sa završenim fakultetom društvenog smjera i prethodno završenom medresom, a uz saglasnost Islamske zajednice u Bosni i Hercegovini.“

Dosadašnji stav (5) postaje stav (6).

Član 2.

(Stupanje na snagu)

Ovo uputstvo stupa na snagu danom donošenja i bit će objavljeno u „Službenim novinama Tuzlanskog kantona“.

Bosna i Hercegovina
-Federacija Bosne i Hercegovine-
TUZLANSKI KANTON
Ministarstvo obrazovanja i nauke

MINISTAR

Dr. sci. Ahmed Omerović, v.r.

Broj: 10/1-34-022931/23
Tuzla, 20.09.2023. godine

969

Na osnovu člana 33. stav (3). Zakona o osnovnom odgoju i obrazovanju - prečišćeni tekst („Službene novine Tuzlanskog kantona“, br. 10/20, 8/21, 11/21, 22/21, 5/22, 10/22, 11/22 i 12/23), Ministarstvo obrazovanja i nauke Tuzlanskog kantona, na prijedlog Pedagoškog zavoda Tuzlanskog kantona broj: 21/1-34-023890/23 od 26.09.2023. godine, donosi

NASTAVNI PLAN I PROGRAM ZA ROMSKI JEZIK SA ELEMENTIMA NACIONALNE KULTURE

I.

Fakultativni predmet

Program nastave i učenja od prvog do četvrtog razreda osnovnog odgoja i obrazovanja

Naziv predmeta	ROMSKI JEZIK SA ELEMENTIMA NACIONALNE KULTURE
Uloga i značaj predmeta:	Dvojezična nastava romskog jezika sa elementima nacionalne kulture daje osnovna znanja iz jezika, te opće, jezičke i medijske kulture i književnosti Roma. U isto vrijeme, ova nastava razvija osjećaj ličnog samovrednovanja, te vrednovanja upoznavanja, prihvatanja i afirmisanja maternjeg romskog jezika u procesu obrazovanja, a sve u cilju očuvanja i razvoja maternjeg romskog jezika. Nastava je koncipirana na upoznavanju, njegovanju i afirmisanju jezika i kulture Roma, korištenjem standardnog romskog jezika ¹ , usmenom i pismenom izražavanju, njegovanju i bogaćenju jezičkog i stilskog izraza, bogaćenju rječnika, upoznavanju učenika sa romskom usmenom baštinom, i uporednom sticanju znanja iz historije i tradicije Roma.
Cilj	Cilj učenja romskog jezika sa elementima nacionalne kulture jeste sticanje znanja o značaju i osobenostima romskog jezika, književnosti i kulture Roma, razvijanje sposobnosti i vještine upotrebe jezika u različitim životnim, svakodnevnim komunikacijskim situacijama, kao i razvijanje svijesti o nacionalnom identitetu i vrednovanju, kako vlastitog kulturnog identiteta i stvaralaštva, tako i drugih naroda u okruženju
Razred	1-4
Godišnji fond časova	72 časa po razredu

1 - Standardizacija romskog jezika (Đurić 2012) je dokument koji sadrži standardizovani romski jezik na osnovi usaglašenih normi za romske zajednice koje žive u regionu bivše Jugoslavije da bi se nastavio rad na institucionalizaciji romskog jezika u obrazovnim nastavnim planovima i programima (Đurić 2012: 7). U lingvističkoj teoriji 'standardni' pristup jeziku oslanja se na široko prihvaćena pravila koja služe kao norma na određenom geografskom prostoru (Matras i Reershemius, 1991: 2, 104).

IV.

Rješenje stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
MINISTARSTVO FINACIJA

MINISTAR

Suad Mustajbašić, dipl.ecc, v.r.

Broj: 07/1-11-1373/25
Tuzla, 23.01.2025. godine

243

Na temelju članka 14. stavak (5) Zakona o osnovnom odgoju i naobrazbi - prečišćeni tekst („Službene novine Tuzlanskog kantona“, br. 10/20, 8/21, 11/21, 22/21, 5/22, 6/22, 10/22, 11/22, 9/23 i 12/23), Ministarstvo naobrazbe i znanosti Tuzlanskog kantona, donosi

ODLUKU**o utvrđivanju kriterija za sufinanciranje troškova prijevoza učenika osnovnih škola za period veljača-lipanj školske 2024/2025. godine****I.**

(1) Odobrava se sufinanciranje troškova linijskog i izvanlinijskog prijevoza učenika osnovnih škola Tuzlanskog kantona za period veljača-lipanj školske 2024/2025. godine u iznosu od 50% mjesečne karte u linijskom prijevozu, odnosno 50% iznosa utvrđenog pismenim ugovorom između prijevoznika i korisnika usluga prijevoza u izvanlinijskom prijevozu, za učenike

- koji stanuju na udaljenosti većoj od dva kilometra od najbliže škole, a nisu obuhvaćeni subvencijama po drugim propisima i općim aktima,

- sa prebivalištem na području Tuzlanskog kantona na udaljenosti većoj od dva kilometra od najbliže škole, koji pohađaju, kao najbližu, osnovnu školu na području drugog kantona.

(2) Ugovoreni prijevoz (izvanlinijski prijevoz) učenika se može organizirati u slučaju povoljnije ponude u odnosu na ponudu linijskog prijevoznika. Iznos ukupne ugovorene mjesečne karte u linijskom prijevozu ne može biti veći od iznosa mjesečne karte koju najpovoljniji prijevoznik obračunava za iste relacije i istu kategoriju korisnika usluga (učenici).

II.

(1) Troškovi iz točke I. ove odluke će se realizirati preko osnovnih škola Tuzlanskog kantona, koje utvrđuju pravo na sufinanciranje prijevoza za svoje učenike, koji ne ostvaruju navedeno pravo po drugom osnovu.

(2) Ministarstvo za rad, socijalnu politiku i povratak Tuzlanskog kantona je u obvezi obavješćivati Ministarstvo naobrazbe i znanosti Tuzlanskog kantona o eventualnim promjenama broja učenika/korisnika koji su u stanju socijalne potrebe, te ostvaruju pravo na financiranje troškova prijevoza po tom osnovu.

(3) Ministarstvo naobrazbe i znanosti Tuzlanskog kantona daje suglasnost na utvrđene popise korisnika prava na sufinanciranje prijevoza iz točke I, za utvrđeni period iz točke I, ove odluke, na zahtjev škole.

(4) Prijevoznici koji apliciraju po pozivu škole za prijevoz učenika moraju ispunjavati uvjete za linijski i izvanlinijski prijevoz učenika propisane Zakonom o cestovnom prijevozu na

području Tuzlanskog kantona („Službene novine Tuzlanskog kantona“, br. 15/11, 02/14 i 9/16).

(5) Ministarstvo naobrazbe i znanosti daje suglasnost na potpisivanje Ugovora za obveze iz točke I. ove odluke, u smislu raspoloživih proračunskih sredstava sukladno Zakonu o izvršenju Proračuna Tuzlanskog kantona za 2025. godinu („Službene novine Tuzlanskog kantona“, broj: 18/24).

(6) Troškovi iz točke I. stavak (1) alineja 2. ove odluke realizirat će se preko općine prebivališta učenika, koja utvrđuje pravo na sufinanciranje prijevoza učenika, koji pohađaju, kao najbližu, osnovnu školu na području drugog kantona i podnosi zahtjev za sufinanciranje troškova prijevoza Ministarstvu naobrazbe i znanosti Tuzlanskog kantona.

III.

Sukladno Proračunu i Zakonu o izvršenju Proračuna Tuzlanskog kantona za 2025. godinu („Službene novine Tuzlanskog kantona“, broj: 18/24), troškovi iz točke I. stavak 1. alineja 1. ove odluke realizirat će se iz planiranih sredstava za osnovne škole, s ekonomskog koda 614200 - Tekući transferi pojedincima, a troškovi iz točke I. stavak 1. alineja 2. ove odluke iz planiranih proračunskih sredstava na proračunskoj poziciji 24010018 - Ministarstvo naobrazbe i znanosti Tuzlanskog kantona, sa ekonomskog koda 614100 - Tekući transferi drugim razinama vlasti.

IV.

Za realizaciju ove odluke zadužuju se Ministarstvo financija Tuzlanskog kantona, Ministarstvo naobrazbe i znanosti Tuzlanskog kantona, Ministarstvo za rad, socijalnu politiku i povratak Tuzlanskog kantona, osnovne škole sa područja Tuzlanskog kantona i općine sa čijeg područja učenici pohađaju, kao najbližu, osnovu školu na području drugog kantona.

V.

Ova odluka stupa na snagu danom donošenja, a primjenjivat će se za period veljača-lipanj školske 2024/2025. godine.

VI.

Ova odluka objavit će se u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo naobrazbe i
znanosti

MINISTAR

Dr.sci. Ahmed Omerović, v.r.

Broj: 10/1-34-000489-1/25
Tuzla, 13.01.2025. godine

244

Na temelju članka 82. stavak (7) Zakona o osnovnom odgoju i naobrazbi - prečišćeni tekst („Službene novine Tuzlanskog kantona“, br. 10/20, 8/21, 11/21, 5/22, 10/22, 11/22 i 12/23), ministar naobrazbe i znanosti Tuzlanskog kantona donosi

UPUTU**o izmjenama Upute o zasnivanju radnog odnosa za obavljanje poslova instruktivne nastave u osnovnim školama****Članak 1.**

U Uputi o zasnivanju radnog odnosa za obavljanje poslova instruktivne nastave u osnovnim školama („Službene novine

Tuzlanskog kantona", br: 18/21 i 16/23), u članku 3. stavak (2) riječi „dva semestra“ zamjenjuje se riječima „jedan semestar“.

U istom članku stavak (3) mijenja se i glasi:

„(3) Ukoliko škola ne može angažirati nastavnika iz stavka (2) ovog članka, škola može angažirati redovitog studenta, studenta apsoloventa ili studenta imatrikulanta na studijskom programu čijim završetkom se stječe odgovarajuće stručno zvanje i razina naobrazbe propisana NPP-om za taj predmet ili na studijskom programu čijim završetkom se stječe srodno stručno zvanje i razina naobrazbe propisana NPP-om.“

Članak 2. (Stupanje na snagu)

Ova uputa stupa na snagu danom njenog donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo naobrazbe i
znanosti

MINISTAR

Dr. sc. Ahmed Omerović, vr.

Broj: 10/1-34-002616-2/25
Tuzla, 05.01.2025. godine

245

Na temelju članka 101. stavak (8) Zakona o srednjoj naobrazbi i odgoju - prečišćeni tekst („Službene novine Tuzlanskog kantona”, br: 10/20, 11/20, 8/21, 11/21, 22/21, 5/22, 10/22, 11/22, 9/23 i 12/23), ministar naobrazbe i znanosti Tuzlanskog kantona donosi

UPUTU o izmjeni Upute o zasnivanju radnog odnosa za obavljanje poslova instruktivne nastave u srednjim školama

Članak 1.

U Uputi o zasnivanju radnog odnosa za obavljanje poslova instruktivne nastave u srednjim školama („Službene novine Tuzlanskog kantona”, br: 18/21, 2/22, 4/24 i 12/24), u članku 3. iza stavka (4) dodaje se novi stavak (5), koji glasi:

„(5) Ukoliko za nastavu glazbenih instrumenata, glazbene kulture ili likovne kulture nije moguće angažirati osobe iz stavaka (2), (3) ili (4) ove upute, škola može angažirati studenta studijskog programa čijim završetkom se stječe odgovarajuće stručno zvanje i razina naobrazbe propisani NPP-om, za taj predmet ili osoba sa završenim IV. stupnjem stručne spremlje istog ili sličnog profila.“

Dosadašnji stavci (5) i (6) postaju stavci (6) i (7).

Članak 2. (Stupanje na snagu)

Ova uputa stupa na snagu danom njenog donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo naobrazbe i
znanosti

MINISTAR

Dr. sc. Ahmed Omerović, vr.

Broj: 10/1-34-002616-1/25
Tuzla, 05.02.2025. godine

246

Na temelju članka 5b. stavak (1) točka b) i članka 17a. stavak (2) Pravilnika o praktičnoj nastavi („Službene novine Tuzlanskog kantona”, br: 4/24, 13/24 i 17/24), Ministarstvo naobrazbe i znanosti Tuzlanskog kantona, na prijedlog Pedagoškog zavoda Tuzlanskog kantona, broj: 21/1-34-1525/25 od 24.01.2025. godine, donosi

JAVNO VAŽEĆI PROGRAM OBUKE MASTER MENTORA U SREDNJOJ STRUČNOJ NAOBRAZBI

I. - TEMELJNE ODREDBE

Članak 1. (Predmet i cilj Programa)

(1) Ovim programom propisuje se sadržaj Javno važećeg programa obuke za master mentore u srednjoj stručnoj naobrazbi (u daljnjem tekstu: Program obuke).

(2) Obuka ima za cilj osposobiti osobe koje će moći samostalno i kompetentno vršiti diseminaciju i edukaciju budućih mentora kod poslovnih subjekata, kojima će ojačati kapacitete poslovnih subjekata za kvalitetno izvođenje praktične nastave sukladno odgovarajućem Nastavnom planu i programu i Programu izvođenja praktične nastave.

Članak 2. (Uvjeti za master mentora)

Obuci za master mentora u srednjoj stručnoj naobrazbi može prisustupiti zainteresirana osoba koja ima:

a) VII. stupanj školske spremlje, odnosno I. ciklus Bolonjskog visokoobrazovnog procesa koji se vrednuje s minimalno 240 ECTS bodova i

b) koja ima iskustvo u naobrazbi odraslih, što dokazuje uvjerenjem obrazovne ustanove o radu u segmentu naobrazbe odraslih.

Članak 3. (Sadržaj Programa obuke)

(1) Program obuke je osmišljen tako da razvija trenerske kompetencije za rad s mentorima u poslovnim subjektima i podrazumijeva interaktivnu obradu osam tematskih cjelina (obvezni moduli).

(2) Program obuke se realizira primjenom kombiniranih metoda rada s odraslim polaznicima (predavanja, seminari, radionice, praktične vježbe, diskusije, refleksije, izrada zadataka, izrada portfolia i sl.).

(3) Program obuke provodi Pedagoški zavod Tuzlanskog kantona (u daljnjem tekstu: Pedagoški zavod), po Javnom pozivu za učešće na Programu obuke koji objavljuje Pedagoški zavod.

(4) Prijavu za učešće u Programu obuke, po objavljenom pozivu, mogu dostaviti svi zainteresirani kandidati koji ispunjavaju uvjete iz članka 2. ovog programa, na propisanom obrascu koji se nalazi u prilogu ovog programa (Prilog 1).

(5) Po prijemu prijava Pedagoški zavod vrši ocjenu ispunjenosti uvjeta, te u slučaju prijave velikog broja kandidata utvrđuje kriterije za rangiranje prijava za učešće u Programu obuke.

(6) Program obuke realizirat će osobe sa stečenim zvanjem master mentor sukladno odredbama Pravilnika o praktičnoj nastavi („Službene novine Tuzlanskog kantona”, br: 4/24, 13/24 i 17/24, u daljnjem tekstu: Pravilnik).

(7) Nakon završenog programa obuke i zadovoljavanja svih kriterija polaznicima će biti izdata isprava (uvjerenje) o andragoškom usavršavanju i stjecanju zvanja „master mentor“, na obrascu koji se nalazi u prilogu ovog programa (Prilog 2).

Na osnovu člana 82. stav (7) Zakona o osnovnom odgoju i obrazovanju – prečišćeni (“Službene novine Tuzlanskog kantona”, br. 10/20, 8/21, 11/21, 22/21, 5/22, 6/22 – presuda US FBiH, 10/22, 11/22, 9/23 – presuda US FBiH, 12/23 i 5/25) ministar obrazovanja i nauke Tuzlanskog kantona donosi

UPUTSTVO
izmjenama i dopuni Uputstva o zasnivanju radnog odnosa za obavljanje
instruktivne nastave u osnovnim školama

Član 1.

U Uputstvu o zasnivanju radnog odnosa za obavljanje instruktivne nastave u osnovnim školama („Službene novine Tuzlanskog kantona“, broj: 18/21, 16/23 i 3/25) u članu 3. u stavu (2) iza riječi „završio“ dodaju se riječi „odgovarajući studijski program bez stručnog ispita,“.

U istom članu u stavu (3) riječ „redovan“ briše se.

Član 2.

Iza člana 4. dodaje se novi član 4a. koji glasi:

„Član 4a.

(Obračun plaće)

Zaposlenicima primljenim u radni odnos za obavljanje poslova instruktivne nastave u skladu sa ovim uputstvom plaća se obračunava na sljedeći način:

a) zaposlenicima sa završenim dodiplomskim studijem u četverogodišnjem trajanju (VII stepen stručne spreme), ili završenim prvim (I) odnosno prvim (I) i drugim (II) ciklusom visokog obrazovanja u najmanje četverogodišnjem trajanju koji se boduju sa najmanje 240 ECTS bodova, angažovanim na poslovima instruktivne nastave obračun plaće se vrši po koeficijentu trećeg platnog razreda, utvrđenom Kolektivnim ugovorom za djelatnost osnovnog obrazovanja u Tuzlanskom kantonu, umanjenom za 10%;

b) zaposlenicima sa završenim prvim (I) ciklusom visokog obrazovanja u trogodišnjem trajanju koji se boduje sa 180 ECTS bodova, angažovanim na poslovima instruktivne nastave obračun plaće se vrši po koeficijentu četvrtog platnog razreda, utvrđenom Kolektivnim ugovorom za djelatnost osnovnog obrazovanja u Tuzlanskom kantonu, umanjenom za 10%;

c) zaposlenicima sa završenim VI stepenom stručne spreme kao i zaposlenicima sa završenim IV stepenom stručne spreme, angažovanim na poslovima instruktivne nastave obračun plaće se vrši po koeficijentu petog platnog razreda, utvrđenom Kolektivnim ugovorom za djelatnost osnovnog obrazovanja u Tuzlanskom kantonu, umanjenom za 10%.”.

Član 3.

(Stupanje na snagu)

Ovo uputstvo stupa na snagu danom donošenja i bit će objavljeno u “Službenim novinama Tuzlanskog kantona”.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-34-003622/26
Tuzla, 10.02.2026. godine

MINISTAR

Dr. sc. Ahmed Omerović